

小
草
齋
集

小草齋集卷之二十七

陳留謝肇淛著

友人馬 欽校

七言絕句一

宮人斜

落花啼鳥怨青春生不銜恩死作塵長信月明

秋寂寂君王只夢李夫人

閨思

羅衣汨盡黛痕低芳草年年杜宇啼枕上夢魂

天畔月隨風一夜到安西

江南詞

阿嬌住近浣紗溪畫槳連檣隔水西郎唱江南
可憐曲柳花飛盡鷓鴣啼

舟夜

沙白天青半自橫霜花月色共淒清槳聲咿嚦
驚人夢欲待還家又不成

上元彭城

故國燈華燦錦雲燕山沙雪正紛紛可憐今夜

閩江月不照彭城斷鴈群

濟上

鳳城一望路漫漫馬上征袍泪未乾曠野荒城人斷絕更誰傳語報平安

交河風

細柳如絲踏作塵乾坤近塞本無春交河日暗黃雲起風急沙飛不見人

題臨城旅邸

沙場風急鬢飛蓬日夜歸心海上鴻六月烏山

茅舍裡葡萄初綠荔枝紅

彭城遲徐惟和不至

淮水花飛送暮春鴈行中斷泪沾巾天涯莫嘆
無知己與爾同爲失路人

漢宮春詞四首

長明盡日鎖鉛華拾得金丸彈曉鴉猶記去年
初望幸君王先賜碧桃花

夢回日影射銀鈎柳色鶯聲十二樓閒向昭陽

尋女伴宮中報道未梳頭

平明別殿打毬回團扇春寒泣不開強傍粧臺
理紅粉內頭催進畫圖來

博山爐裡有殘香巧對春風襯曉粧一曲笙歌
樓下過共傳車駕幸平陽

南劖舟中

西下三千八百灘灘聲日夜拍船寒西風吹浪
天爲裂愁殺長年不敢看

小箬溪

小箬溪邊秋水生野航如葉暮雲平傷心望盡

小草齋集卷之十七
江南路月滿蘆花鴈一聲

病二首

山窓疎雨不堪聽流水柴門盡日局羸得新詩
三百首池塘四月草青青

昏然一夢便爲家睡起山齋日又斜黃鳥幾回
窺紙帳小園閒殺石榴花

田家詞二首

空村破屋夜啼鳥赤地干今草已無老婦倚門
饑欲死賣兒且納縣官租

新穀無收斗十千家家土鎚冷生煙忽聞關吏
傳呼急官府新追間架錢

七里灘

七里灘頭雲不開富春山下半蒼苔漢家事業
成秋草江月年年上釣臺

行樂詞二首

羅衣香帶錦纏頭細折楊枝作酒籌月滿春城
天似水笙篴一曲按梁州

長安春雪未曾乾錦瑟銀箏帶酒彈十二重樓

寒不到桃花流水碧漫漫

涿州感舊

孤城猶枕舊山河
流水桃花別恨多
一路新楊今老大
不知客鬢近如何

村中

村中老人不識客
柳下科頭枕寒石
日暮收雞掩草門
一籬秋露豆花白

吳興竹枝詞十首

苕溪繁轉霅溪清郎住溪頭妾在城幾度白蘋

洲上望風波日日斷人行

柳葉長時桑葉繁子規啼罷日黃昏西吳蠶禁

今初起萬室千村盡閉門

清明闖草踏青苔賽得金釵逐隊回一道紅裙
齊上馬道塲山上進香來

春風女兒顏色新共趨蠶忙陌上塵繭就絲抽
爭買却不知衣着是何人

妾家湖北守蠶眠郎往湖南去販鮮一陣腥風
船到處家家爭買小頭鯿

雨後新收顧渚茶旗槍未展紫團芽緘來兩角
留郎飲半月泉頭汲水花

何山五月熟楊梅萬樹千林錦作堆摘下冰盤
三百顆行人錯道荔枝來

笠澤銀魚五寸鮮南潯牡蟹一尺圓沽得閨門
三白酒與郎同上遊山船

雪消臘盡北風寒官府迎春簇馬鞍對對梨園
扶暖簷樓頭不敢捲簾看

駱駝橋上落霞紅畫舫青簾信晚風玉笛吹殘

霜月白忽驚身在水晶宮

西湖棹歌四首

水落湖心松作濤水邊樓並兩峰高遙憐如雪
當樓女淚滿西風剪戍袍

蘇公堤上柳藏鳥靈隱山前片月孤怪得薄情
不相見年來官府禁遊湖

勸儂莫采此頭蓮勸郎莫泛夜行船蓮花留取
成蓮子夜船驚破鴛鴦眠

蓮花如面水如煙郎愛西湖妾愛蓮郎心好似

小草齋集卷之十一
湖心水花落花開知幾年

遊武夷雲窩懷陳孔震司馬

蘿衣石榻自苔文禮罷寒星不見君老鶴應明
黃葉墜半爐松火亂山雲

癸巳初度日病

文園卧裏忽逢秋馬齒風塵去未休二十七年
初度日悠悠病客一孤舟

宿吳山賓長安舊人

春時相送出燕都秋到江南一字無半夜寒燈

數行泪滿天風雨下西湖

檇李迎春二首

吳山越水色霏微日日紅塵上客衣愁裏不知
年又盡滿城歌舞報春歸

寒爐無燄夜愁長客裡逢春鬢已霜不用傷心
更回首苕溪春好亦他鄉

雨夜懷陳振狂客嶺南

君去春山草未齊嶺猿林鳥莫雲西相思一夜
不成夢雨滴芭蕉雞亂啼

櫓李元夕雪

天涯孤客怯春寒故國雲山夢裡看何處燈華
何處月北風吹雪滿征鞍

薛校書像

絳唇朱袖鬢如煙管領春光二十年萬里樓臺
荒草地人間猶有薛濤箋

中秋登郡城樓

鄉心如水向東流
愁上城南百尺樓
故國雲山何處是
天邊明月又中秋

觀天聖寺管夫人畫竹

誰將彤管貌琅玕
雲影蕭蕭半壁寒
月滿菰城僧定後
秋聲遙起錯龍盤

寒食山中

白雲流水淨含沙
傍水斜陽三兩家
一夜山中寒食雨
杜鵑啼落刺桐花

夜同鄭翰卿黃白仲步至孤山尋梅

望湖亭上大堤斜
夜到孤山處士家
殘雪滿林霜月暗
不知何處是梅花

吳興後竹枝詞四首

漕糧改折白糧催春雪勅寒麥未裁聞道義倉三十處無錢保正不教開

夏稅年年織較遲柘黃帕裹合羅絲近聞內府頒新式解戶爭安第一機

五月新絲白勝綿輕羅織就雪花鮮爲郎製得雙襦子官府頭行不敢穿

臘盡春生年復年望郎長在太湖邊水門不閉聞簫鼓迴避黃堂採木船

錢唐逢康元龍

黃梅細雨暗江關
我入西吳君欲還
馬上相逢湏盡醉
明朝知隔幾重山

錢唐訪陳伯孺不遇

旅館輕塵鎖綠筠
知君遙在五湖濱
錢唐江水菰城月
兩地相思不見人

登慈雲嶺

千重煙樹翠模糊
萬壑松濤落日孤
回首潮聲聽不盡
亂山影裡見西湖

西湖雜詩十首

柳花如雪暮煙多
荷葉初圓滿綠波
十五女兒能盪槳
月明低唱采蓮歌

楓木橋西正夕陽
紫霞飛滿翠微房
霓旌百道搖空碧
併作三天舍利光

懸崖石榻繡苔花
雲去雲來一徑斜
日午山僧初入定
滿天空翠濕袈裟

萬樹桃花照夕暉
晚霞遙射碧氤氳
東風吹散飛如雨
盡入西湖作錦雲

仙姑山畔小春橋
雲影松陰九里遙
萬壑悲風吹日夜
行人錯道浙江潮

斷橋流水暗香聞
月色梅花亂不分
誰向夜深吹玉笛
宿鴉驚散雪紛紛

白雲峰頂曉鐘殘
天半剛風徹夜寒
吹散紅波三萬丈
海門湧出紫金丸

寒松曲澗白雲長
雪竇泉飛五月涼
施得山僧新茗在
瓦鎰松火試旗槍

錦塘十里柳桃花半逐東風撲釣舟
馬上紅裙

踏歌過低枝桂墮玉搔頭

桃花水照石榴裙宛轉歌聲隔水聞日落江空
不知處兩高峰頂作行雲

題月輪山

危塔殘碑鎖寂寥不聞桂子落清霄月輪山下
天連海一日僧看兩度潮

登五雲山五首

縣崖鳥道客心驚翠壁參天水撼城日落西陵
潮似雪亂山無數不知名

暗風吹雪度層峰。禪榻虛窓倚碧空。夜半天雞
醒客夢海門深處浪花紅。

萬壑群山水上浮。滄江東接海門秋。天教鼈背
開金鏡。幻出錢唐十四州。

六橋煙柳遠。濛濛忽聽南屏寺裡鍾。一對浮圖
雲底出。山僧指是兩高峰。

月出潮平夜罷鍾。琉璃倒映玉芙蓉。却疑身在
蓬萊上。弱水茫茫幾萬重。

春日檣李舟中寄贈圓窓二首

弱柳新鶯動隔年春山殘雪對書眠老僧有句
來相報煙雨樓西一釣船

出世無心萬事慵閒臨流水最高松相思何處
不相見明月空江半夜鍾

中秋雨寄桃葉侍兒二首

雲鎖霓裳桂殿空金樽祗對遠山鐘珠簾不捲
銀屏暗人在瓊樓第幾重

愁雲踈雨暗金波天上人間夜若何玉笛吹殘
無限恨盈盈一水卽銀河

聞鐘寄曾人倩

十年去國夢滄浪夜夜鐘聲似上陽謾憶長安
驅馬伴東華門外月如霜

惟和下第歸過真州夜話

一騎西風出北平相逢如夢未分明十年心事
匆匆話月落雞啼夜五更

答惟和觀伎之作

白頭下第望江南逐客無家寄楚潭一曲琵琶
雙別泪西風吹濕兩青衫

步真州橋上望江南山不見

盈盈一水望微茫幾點孤峰似故鄉
莫恨雲深看不見見時恐更斷人腸

貂裘敝盡寄吳關七度春風猶未還望斷江南
山已遠客家更隔萬重山

山行卽事

羸馬空山日欲斜柴門流水少人家丹楓落盡
蘂蕪死一路風吹野菊花

六憶詩寄桃葉侍兒

有引

戊戌秋杪余客新安于時寒露既零商飈漸
凜噴梧覆地哀鴈流天感蘭燄之中煎惜萎
花之獨照佳人千里遙隔鑾江多病孤身尚
羈徽水願違情極神合象分因效隱侯之旨
廣爲贈答聊代遠離之悰以托紆軫之懷云
爾

憶眠

花外鶯啼曉夢殘雲嬌雨困不勝寒鮫綃帳裏
香肌蟬紫霧輕籠白牡丹

憶行

脉脉瑤階度晚涼
羅裙委地繡巾長
輕塵不印雙鈎樣
惟有蓮花萬朵香

憶粧

露華香粉紫檀釀
倒暈輕黃畫未成
一簇金釵牙掠鬢
寒星隊裡月初生

憶繡

月上流黃玉指拋
銀條紗襯紫茸包
繡成羞被傍人見
一對鴛鴦正交

憶書

吳興毫紫欵煙青
端石新裁柳葉形
索得勾麗箋一幅
觀音壇畔寫心經

憶奕

石榴花影滿楸盤
落子嬌嗔未肯安
不分人前輸一着
桃燈偷學玉闌干

答

寶釵初卸解羅衣
清漏沈沈郎未歸
夢裡莫教人喚醒
恐爲蝴蝶正雙飛

強束行纏出院門生嗔羅襪印苔痕遲迴却映珠簾立欲問郎歸不敢言

不抹鴉黃不傅脂盤龍斜倚鏤金犀鏡中愛殺如花面只少蕭郎與畫眉

袖口新綢線道斜一雙燕子並頭花幾迴繡到關心處點點啼痕涴碧紗

八行側理界烏闌欲寫回文字更難絳袖密遮書復顧恐教背後柳娘看

牙線楸枰子慢敲從郎去後不曾教閑隨女伴

花陰下賠得金絲玉步搖

拜顧鎮遠侯墓

石麟銅柱枕江濱記得當年霍冠軍日落寒鴉
千萬陣一時繞樹拜孤墳

谼中懷汪伯玉司馬

空山鑿破水他流半壁猶存架壑舟昔日精靈
成異代隔溪亭榭亂雲秋

黃山雜詩二首

寒流決決草蒙茸翠壁丹梯千萬重天外雲門

小草齋集卷之三
相對出居人指是剪刀峰

古寺空山鳥道邊板橋流水寺門前老僧鎖却
竹房去浴罷溫泉石上眠

黃山歸宿潘景升有芑堂二首

十日看山一日歸輕塵落葉擁柴扉布袍脫向
塔前樹猶有蓮花片片飛

豐永溪邊對晚嵐却疑身在白龍潭開門童子
向人笑拜乞丹砂共藥籃

宿齊雲道觀二首

中天列岫翠饋餚咫尺丹霄卽帝都夜半山窓
煙雨裡香鑪峰頂一燈孤

洗藥池邊丹杵聲紅塵隔斷旅魂驚夢中不識
朝元路只在樓霞洞裡行

海陽旅次戲寄潘景升

山窓寒雨滴芭蕉一榻殘燈夜寂寥惟有青樓
歌舞地春光不駐可憐宵

涇陽舟中

作客經年敝鷁鷀扁舟此日下涇陽滿天風雪

寒江夜惟有灘聲似故鄉

齊謳十首

有引

竹枝子夜諸歌大率盛於江南齊州聲韻屈
詰不諳律呴然采諺問俗弗以地廢矧茲渢
渢夫國之風是用暇日撫撥一二約其節奏
命曰齊謳卽不敢被之管絃試令社兒里女
擊土鼓連臂歌之亦國風之遺也凡十章
榆錢滿地筍穿泥部在燕山易水西傳得江南
采蓮曲中原今有鶗鴂啼

二月冰開柳放煙望郎長在閘河邊生憎分水
祠前水送盡南船又北船

上元三五月如冰踏遍香衢看彩燈聞說城中
樓第一紅裙千隊一時登

女伴相邀春進香天門遙拜佩鏘鏘歸從高里
山前過指點陰司說鬼王

魯連臺下草如煙堤柳飛花撲客船最是齊州
好風日繡簾影裡送鞦韆

黍頭低熟稷頭昂小麥如霜大麥黃支鋟聲聲

啼不住一番風雨又端陽

炎蒸三伏起紅埃九曲黃河淺似杯窖裡寒冰
三萬斛鮮船未到不教開

黃河南下勢如雷十萬官夫塞復開一夜太行
隄口決只令白骨滿魚臺

運河雨斷客船無兩監巡欄到處呼前後水門
齊上鎖柘黃旗下納皇租

清源婦女競穠華九陌香風漾碧霞閒向渡頭
相問訊天都峰下是夫家

七夕宮詞

玉殿新涼動綺羅銀屏秋冷夜雲多遙迴欲捲珠簾望愁見天孫又渡河

經薛故城

柳堤風起欲斜暎寂莫山丘枕暮雲十載崩緜塵土客只今誰是孟嘗君

景州道中風沙

愁雲曉合路漫漫萬壑風雷卷地寒一片黃沙三百里不知何處是長安

過白溝

胡馬嘶風野日黃居人猶解說
燕王白溝河畔青青草曾是當年舊戰場

塞下曲

朔風膠折草初燒鐵馬連營夜搗巢十萬胡兒頭落地雪花和血濕弓稍

七夕宿龍山驛

女伴閨中乞巧時荒郊獨客倍淒其河邊烏鵲無情甚不爲人間管別離

佛頭山閣

秋槐葉落半山亭
山寺松門晝自局
高閣斜臨
華不注寒雲飛盡佛頭青

桐城道中

八月胡風捲地沙平原
盡日少人家令人却憶
江南路處處香飄桂子花

鶯城元夕

煙籠寒月角聲哀
天半黃塵慘不開
回首江南春正好
三山一片錦雲堆

雨過苔痕上碧墀
蜻蜓相逐出花枝
美人斜映珠簾立
手擲絲球鬪玉狸

遶欄無數鳳仙花
綠葉齊開五色霞
香露和成輕傳指
纖纖玉筍沁朱砂

平播凱歌八首

僰道西連古夜郎
相傳割據自隋唐
橫戈躍馬千餘載
帶礪令成血戰場

羽檄朝飛玉壘秋
鼓聲欲死陣雲收
可憐如帶

綦江水一夜腥風作血流

鼓角喧天鬼魅愁王師十道下梁州旗遮劒閣
千重棧鞭斷巴江萬里流

桓桓忠勇數劉琨一劒東歸帶血痕轉戰重圍
三百里諸酋面縛出轅門

白旄黃鉞遠橫行醉倚金鞍露布成文武只今
誰第一畫圖先屬李西平

渠帥投纓事可哀妻孥泥首乞釘灰藁街傳遍
名王首壯士銀纓衣錦回

烏啼京觀戍樓閒銅柱新標戰馬還鎖甲金鎔
歌管沸三軍齊出鬼門關

彤庭曉闢獻降俘緹騎霜刀隊隊扶黃紙金鷄
傳放赦太平天子坐披圖

懷葉進卿宗伯鄧汝高學憲

長安路上柳初低擊筑相逢醉不迷此日風煙
各異域江南江北夜郎西

感舊

香箋錦字尚依然夢斷羅山路幾千十二年前

今日事悲歡風雨一燈前

辛丑初度病噶新起且有青州之行別諸姪

病顏衰鬢不勝秋更對花枝賦遠遊老大風光
三十五猶隨人後向青州

宿淄水中夜聞鷄

閩山魏水各天涯馬上年光夢裏家半夜寒雞
滿窓月一時心事亂如麻

久客臨淄

出門蓮子尚開花雪滿千山未到家夢裡只尋
西去路却忘宦邸亦天涯

閨意二首

花影當簾睡未酣相邀女伴采宜男繡巾爭拂
雙飛蝶賭取螭頭白玉簪

綉幕金釵逐啄行宜春開盡紫薇生新教鸚鵡
能言語花下傳呼小玉名

寄顧所建

廣陵煙水路三千芳草垂楊憶往年畫舸載花

明月夜東風二十四橋邊

客中夢桃葉侍兒

金爐香燼玉人眠帳掩芙蓉夜可憐惟有夢魂
常不離蜀葵花下瑣窓前

登岱寄邢子愿

鳥道斜盤倚碧空一天秋色海雲東依稀望見
吳門馬可是當年使者馳

聞潘景升客楚

別來蹤跡兩茫茫楚水燕山各異鄉記得天都

峰畔路板橋紅樹鳥啼霜

壬寅十一月三日

碧玉當年未破瓜香羅帳護含歡花如今十載
花如錦羞見來時繫臂紗

暮春新雨道中

澗水涓涓蒲作芽山雲漠漠客離家東風一夜
清明雨杏棠梨處處花

癸卯夏日

麥穗如絲雨未霑迎龍賽社拜還占曹南十萬

閑河卒只恐春流一夜添

宿烟山望靈巖作

暖風吹雨浥征衫古洞雲深鎖石函日暮亂峰青繞榻不知何處是靈巖

鐵袈裟

大地何年湧鐵衣苔花半蝕是還非金身弱草元無相祗與山僧表翠微

春夜聞鴈

芳草如絲煙樹微客魂無日不南歸無情最是

天邊鴈何事春來更北飛

暮春曹南道中

柳花如雪菜花黃客裏春殘暗自傷何處朱門
鎖臺榭東風一路牡丹香

夏日

暖風吹雨過江城竹榻桃笙暑自清官閣畫局
人吏散滿簾花氣一林鶯

乙巳迎春

九陌香塵動地來故園梅蕊幾枝開一從人去

東山冷客裡逢春十五回

早春宮詞

百子燈前酌九霞昭陽先賜早春瓜長門殿裏
桃牙樹只見東風未見花

雨中登樓

春色輕寒上碧衫綠楊如線燕呢喃郡城二月
梨花雨獨倚高樓看客帆

無題

海棠無主獨開遲蓓蕾春情蝶未窺何事東風

相如急一時吹折向南枝

汝上道中入夜風雨驟至投宿民舍口占
風雨淒淒路欲迷倦飛寧復擇高栖任教土榻
人爭席野鶴年來久泥雜

春盡郊行

宜春落盡筍初芽乳燕交飛日欲斜唯有東風
似相惜隔河吹送白楊花

題臥雪圖

竹逕松門絕四隣千村萬落不勝貧洛陽城裏

家家雪誰念山中有故人

朱竹

秋老龍孫醉不醒却疑泪血灑湘靈只緣悞染
紅塵色無復琅玕舊日青

題畫荔支

一騎紅塵向闕時絳脣朱袖兩相宜如今世路
輕寒駛不畫梅花畫荔支

卷之三

三

小草齋集卷之二十八

陳留謝肇淛著

友人王宇校

七言絕句二

宮詞四十二首

禁漏亭亭月色廻六宮金鎖未曾開平明鳳吹
中天落昨夜君王宿北臺

上苑風光處處迷嬌鶯千樹一時啼傷心春草
生閒地遼后粧臺海子西

侍書小史鬚雙鴉漏盡猶傳降白麻斜傍御床
輕署字柘黃帕裹出文華

御溝一道接西山玉臘雲香去不還秋至莫教
紅葉墜免傳春色到人間

宛轉橋通百子池鴛鴦飛上合歡枝黃金屋暖
花長在春去春來總不知

雞人唱卯日華浮導駕韶容步步留雉尾雙開
簾半捲御爐煙在鳳樓頭

轆轤秋冷井梧黃金鎖葳蕤閉苑牆夜半月明

風瑟瑟流螢含露落銀床

上元夜宴鳳燈懸內使鋪陳色色鮮何處天香

春第一牡丹花發御筵前

采女三千教水嬉荷花零亂錦帆移年來玉輦
經行少落盡紅衣子滿池

南城古木閑行宮鐵鎖生衣蕙帳空秋草沒階

蛩對泣內人指點說英宗

未乙祠前璧月泉松枝未老鶴猶眠鼎湖龍去
齋壇冷雲鎖西清四十年

小窗集卷之二
風撲珠簾月似明雪花片片玉階平宮中一色
鴛鴦瓦偏向昭陽凍不成

深恩風動亭羅寒鴈度長門夜色闌碧艸似煙
煙似月美人猶自倚闌干

年少承恩舞樣新夜深香汗濕羅巾秋風桂殿
涼如水也有愁多未睡人

小憐十五翠鬟偏盡泪花階坐簸錢輸却一雙
金弔挂含嗔斜背御屏前

長秋朔望免朝便日透鮫綃帶醉眠魚鑰忽傳

官使到教坊分送面脂錢

鸞靴對打御前毬中使看爭第一籌高擣牙盤
傳拜賜銀錢金豆撒階頭

長生綵縷結蘭牙鬪草歸來酌紫霞自分玉顏
天上老不湏更賜守宮砂

六月香風動白蓮宮槐十里咽寒蟬冰山激水
飛如雪不信凡間有暑天

內厨憒製鬱金芽琥珀倭絲旋作花縷合黃封
朱結頂朝回先賜閣臣家

生長深宮未識愁閒看織女嫁牽牛不知更有
人間事笑上穿針乞巧樓

金吾排仗簇層層曉到西山露尚凝千騎紅妝
分隊發感恩殿上拜昭陵

地衣織就暗龍紋沈水香多盡日薰舞罷柘枝
塵不動情人擡起砑羅裙

榴花六幅掃金階學舞梁州曲未諳第一迴身
湏貼地莫教人見鳳頭鞋

平明侍駕晚鐘歸直翻愁見御稀昨夜衆中

偏得喚謝恩除却蓋頭衣

金榜銀屏直北開綉墩御案錦成堆宮人扶出
天顏笑慈聖宮中賜宴回

博山爐爇玉龍膏帳捲銀鉤綉額高閒隔紗窓
看花影畫眉雨裏啄櫻桃

纏過中秋聖誕臨宮中結束各留心閣門引
見山呼罷私獻延年紫磨金

新裁吳扇勝齊綺照眼泥金玉骨寒勅出中書
書小楷蠅頭正韻御前看

生如鸚鵡閉金籠長念心經禮碧空石結普陀
珠作月白衣大士坐當中

霓裳聲落綵雲間阿監催梳綠鳳鬟傳詔院明
休上鎖六宮隨駕看鰲山

菡萏明膏燄不騰銀荷嬌小碧波澄當中結起
葫蘆架不點人家向背燈

百粵三吳土物奇中官驛騎列星馳金盤玉筋
嘗應遍只恨無緣見荔支

花賞春風月賞秋長陪玉輦夜深遊不知長信

宮中樹葉落花開總是愁

小小金魚白玉盆瑞香枝短護雲根尋常不到
金階外未識春風雨露恩

新進才人住翠樓學翻艷曲壁箜篌春風院院
經行遍行到長門始覺愁

玉兔傍邊桂樹枝銀臺香闌影參差廣寒月底
人間遠曾有明皇一到時

牙簾霜綃夢不成含愁含恨倚天明強將雙淚
看鸚鵡爭向君王說一聲

細腰無力怯西風欲換羅衣洗淺紅甲帳夜空
金剪冷數聲砧杵月明中

寶鏡金箱鎖不開洞房盡日閉蒼苔班姬莫更
悲團扇曾向春風歌舞來

諸王婚邸簇朱甍淑女分番入禁城三載秦樓
音信杳妾身猶自未分明

淨業門前柳不春纏綆房外水雲新可憐砧杵
中宵月曾照昭陽殿裏人

金陵行宮同興公作二首

鳳闕參差禁苑連柳條猶鎖御河煙翠華非去
行宮閉花落花開二百年

寢廟陰陰人影稀鴛鴦瓦碎掩朱扉年年六月
開金鎖頭白巾官晒御衣

爲徐大京兆題小畫

遠寺寒鐘隔翠微小樓人語鶴歸遲西風一夜
清霜落紅葉滿山僧未知

村中

村中老人七十餘鶴衣割忝自調驢忽聞鼓吹

呼孫出倚杖簷前看使車

贈烏程陳令二首

碧水風清撫字勞靈書遙錫五雲高春來碧浪
桃花色照見銀童鶴鵠袍

紫誥煌煌天樂聞漢家世美屬陳辟遙知膝下
爛班袖猶帶曉山一片雲

過王處士故莊

一亭雲林帶草堂居人遙指石湖莊精靈異代
歸何處滿目西風棗葉黃

題大橫驛

驛門斜枕最高峰桂子松陰翠萬重一道寒灘
如雪落秋風兩岸木芙蓉

劍浦放舟作

西風瑟瑟鶴聲寒山氣微茫雨未乾一
夜前溪三尺冰片帆飛度萬重灘

因溪感舊

朱樓空鎖水雲深問逕依稀不可尋唯有門前
雙柳樹唉郎去到如今

舟至芋江

丙子奇歎

夜半潮迴江水平
逢人如夢未分明
可憐江上娥眉月
五年前送客行

題徐惟和少像

風雨鑾江話別離
夢中猶見舊璫枝
如今風景非還是
政是羊毫慟哭時

鴈來紅

西風一夜落關榆
少婦樓頭鴈正呼
何事遼陽書不到
年年血泪洒蘿蕪

得馬季聲書云園荔蠶損戲柬三首

半載思君碧蕘風殘香
尋夜落秋蟲西禪寺外
濃陰裏少却星星數點紅

香肌蚤已怯西風朱實那堪飼蠶蟲
但使主人能醉客不妨樹底覓殘紅

自新上人惠太姥霍童二茗賦謝四首

三十三峰高挿天石壇丹竈霍林煙春深夜半
著新發僧在懸崖雷雨邊

錫杖斜挑雲半肩開籠五色起秋煙芝山寺裏

多塵玉須取龍腰第

讀泉

白絹絲封各品題嫩知太姥大支提沙彌剥啄客驚起兩陣香風撲馬蹄

毛鼎生濤火候譜旗檣傾出綠仍甘蒙山路斷松蘿遠風味如茶屬建南

爲玉峰止人題水墨荔支圖

松煙幻出荔雲香飛動猶含曉露涼知爾空門無色相豈隨赤樹闖紅粧

墨池深處鎖鉛華幻出疎枝帶子斜萬樹殘紅

搖落後滿林香在老僧家

題牧童吹簫圖

細草初生澗水新郊原何處不青春橫吹短簫
斜陽外唉殺當年拍角人

題畫

白雲飛起欲沈山茅屋松窓杏靄間一路丹楓
秋色暝人從半嶺踏歌還

淵明五柳圖

徑荒松菊室無煙滿目山川又一天唯有門前

五株柳栽時猶是羲熙年

題趙承旨畫馬

玉蹄蹀躞五花驥碧眼胡兒洗綠潭苜蓿浦稍
終日飽春風不復憶江南

七夕積芳亭瞰七夕紅荔支

盈盈一水夜何其佳果初紅映酒卮醉把殘香
望牛女相逢俱是隔年期

焚書坑

驪山渭水起秋波山下坑灰白骨多諸子百家

都禁却却留圖籍與蕭何

兵書峽

三分鼎足事何如運去星沈恨有餘鐵鎖已消
銅雀冷祗留丞相舊兵書

鼓山採茶曲六首

半山別路出茶園雞犬桑麻自一村石屋竹樓
三百口行人錯認武陵源

布穀春山處處聞雷聲二月過春分閩南氣候
由來早采盡靈源一片雲

郎采新茶去未迴妻兒相伴戶長開深林夜半
無驚怕曾請禪師伏虎來

緊炒寬烘次第殊葉粗如桂嫩如珠癡兒不識
人生事環遶薰牀弄雉雛

雨前初出半巖香未萬人家未敢嘗一自尚方
停進貢年年先納縣官堂

兩角斜封翠欲浮蘭風吹動綠雲鈎乳泉未瀉
香先到不數松蘿與虎丘

題朱買臣負薪圖

青山浪跡且樵蘇遇谷靈論後有無五馬歸來
春已老有人山上采靡蕪

蘇李泣別圖

紫塞胡風落節旄鴈行飛斷碧雲高莫將一掬
臨岐泪洒向單于賜錦袍

題畫

遠樹含煙翠壁開相携盡日坐莓苔斜陽欲下
行人絕唯有松風天際來

發秦川

猿啼驛館馬嘶塵客路悠悠柳自春唯有摩霄
峰頂月鹽田渡口送行人

太姥山中雜詩三首

空山叢薄日無光石當胸古木僵澗道紆迴
沿不盡東風半里玉蘭香

老樹盤根濕綠苔泉聲自日沸風雷春風不到
層冰洞出半梅花二月開

望仙橋

翩翩鶴馭升摩霄月冷雲飛隱寂寥丹嶂排空

三十六春風吹度皇仙橋

圓潭菴

曲曲溪流隔淺沙
松爐煙冷石牀斜
竹明開雨山僧病犬吠籬頭木槿花

宿霍童村

白雲黃鶴杳無踪
猶有孤村記霍童
月到小樓人未寐
繞牕四十八芙蓉

武夷宮觀宋嘉熙時玉簡

癸乙壇空雨半焚琅函
猶自護晴雲冥山陵寢

松楸盡留得蒼蒼玉簡文

謁徐仙貌

絳節濤都去不還空留遺貌在人間雲中鷄犬無消息九曲寒流汨滿山

予未至折筍不能登詩以嘲之

知與山靈未有因裏途甘自落紅塵丹梯便隔仙凡路愁殺當年控鶴人

觀齋卿至折筍

十九年前此地曾馱風靈屐最先登如今世路

雄心減臥石看君到生層

茶洞三首

折筍峰西接水鄉平沙十里綠雲香如今已屬
平泉業採得旗槍未敢嘗

草屋編茅竹結亭薰牀瓦鼎黑磁瓶山中一夜
清明雨收却先春一片青

杜轄嚴懷程道人

一片玄宮倚石開亂山羅列大溪迴金徽玉軫
無消息鐵笛數聲黃鶴來

分水關

南北分流各一方楚江闖海兩茫茫客心好似
關頭永半向他鄉生故鄉

贈淮陽李太中丞四首

淮海蕭蕭碧際天運河如帶接幽燕一從制府
新開後氣侵全銷十二年

宣房築就水流澌諫草千言答主知借問古人
誰得似鄴侯勲業謫仙詩

鈴閣春陰早放衙玉尊新點綠雲芽數行銀燭

紅妝夜爭捧金卮乙五花

蓮花幕下客紛紛
一顧常空冀北群
唯有閒曹留滯者
芙蓉冷落對秋雲

爲周計部題雙鷁圖

十月霜風動紫臺
寒枝擇盡却飛迴
不知報喜緣何事
新向盧龍化印來

庚戌五月四日京邸熟甚偶寄興公

數椽如斗日如焚
寂莫離心兩不聞
去歲今朝君記否
城高巖頂一梯雲

夏日閒坐感懷二首

白髮烏紗老病身朝朝暮暮逐紅塵何如閉却
閒門坐布穀聲中一葛巾

雙柑斗酒聽新鶯絕勝孤舟海上行無數江豚
吹浪戲重去後一重生

不見

學飛乳燕未成雙零落芙蓉隔遠江客夢乍迴
人不見數聲涼雨打孤窓

曲江

庚戌春

曲江十九年人半在雲霄半已塵自笑官徵
身尚健鶯花重見曲江春

了語

白日沖天飛龍駕一箭破的探牛炙丈夫拂衣
焚銀魚全軍夜覆長城下

不了語

金烏玉兔東復西雙輪夾轂隨馬蹄出門牽衣
顧兒女國是未定紛無倪

饅餉語

黃昏隔牕看古畫老眼瞢騰遠燈下病吃番僧
嘆誦經沙塵霧裏千蹄馬

分明語

清湍粼粼石可數愁人譙畔聽更鼓幾點寒鴉
雪上行佳人獨立觀如堵

急語

孤城欲陷羽書馳富翁暴斃覓無醫長江怒湍
放輕舸走謁權閭將後期

緩語

十載商毫成半縑懦將出師行萬里老病權貴
出國門新婚年少晨將起

滑語

吉莫皮靴蹤冰凌雨中捉鱠榆皮徑玉體凝脂
拊不留十萬纏頭笑相贈

澁語

封髻十年髮不簪枯針敗鎖綉生鐵新婦出門
羞見人詞手橫榔龍骨屑

危語

劣馬夜踏棧道冰巨海柁折風掀騰病卧空山
虎入戶身都將相謗書興

穩語

廣盤綿累珠一箇大士跏趺蓮花座風靜長松
白鶴栖衣食無營盡日卧

熱語

六月驕陽千里赤金湯百沸新更益腸焦肌裂

舌生煙七貫五候手可炙

冷語

絕漠窮冬飛鴻盡雪山萬里北風緊一朝失勢

冰山傾荒塚纏繩骨如筍

喜語

雞竿宣詔釋殊死八十富翁初得子措大拜官
車填門學徒放假看傀儡

愁語

禾黍連天蝗復雹白頭征人聞戍角將軍登陴
望虜塵亂朝相臣坐閑閣

大語

三十三天不容足宇宙世界半粒粟一莖毛孔納衆生元會運世蚊相逐

小語

毫端俯仰幾萬里雨絲飄作滔天水恒河世界蚊曉中窈窕冥冥而已矣

易水懷古

俠骨鏹澑霸業殘空餘遺恨髮衝冠如今三輔烽煙息楊柳東風水不寒

道中見采柳者

翠袖籠煙颶綠絲曉風殘露立多時春光容易
休攀盡留與行人折一枝

辛亥春重過在山

孤城堤柳綠依然曾伴征人宿曉煙柳已十圍
人已老風光不似七年前

次新嘉驛作

小橋水落柏枝低門鎖蒼苔路欲迷惟有流鶯
似相識一聲聲向馬蹄啼

次鄖縣

曉風吹柳綠冥冥覆盡城南十里亭客夢欲成
鶯喚醒馬頭一片驛山青

宿鄧縣館

數枝幽竹傍危牆小杏梢頭半未黃枕上雨聲
聽不盡東風一夜打青楊

度錢唐

十幅蒲帆挂遠空銀濤萬馬捲秋風夜深燈火
樓臺影半在西陵煙雨中

紫嶺

紫嶺嵯峨雷漢隣
頭無日不行塵可憐一線

羊腸路役殺東西南北人

送鄭司倉之定海

傳聞海上落伽山
水浸蓮花竹映關
長日看潮參佛座
官微羸得一身閒

爲喻正之郡侯題烹茶圖二首

山僮晚起挂荷衣
芳草閒門半掩扉
滿地松花春雨裏
茶煙一縷鶴驚飛

石鼎斜支傍藥欄
松窓白日翠濤寒
世間俗骨

應難換此是雲腴九轉丹

爲興公題春冷圖

寒蓼初紅荷葉穿相呼相伴宿秋煙一從風雨
分飛後冷落南枝二十年

爲興公題鴛鴦圖

芙蓉零落古塘乾煙雨分飛錦翼殘已有鵠雛
毛五色何須更夢蓼花灘

由洪江至方廣舟中雜詩十二首

潮落金山半夜鍾小舟低冒木芙蓉寒波不動

天如水月挂東南劣前峰

山下洪江江上村江雲山靄共黃昏早潮歸去
暮潮到一片寒聲繞寺門

女兒十五綰雙鬟渡口操舟日往還喚起西風
吹兩槳送郎一夜到瓜山

橘園洲上露如霜江樹江煙望渺茫布穀聲聲
春雨後荔陰十里鳳皇岡

浦口橋通石徑斜黃雲極目野人家一簾香雪
山窓晚繞屋寒梅萬樹花

竹裏山峰午放衙主人留客飯胡麻半巖洞口

西風急吹落寒江幾片霞

曲曲寒溪咽未休小祠竹枕溪流桔槔聲裡
柴門閉卧踞松根看閩牛

浯水溪邊釣艇閒江雲片片逐潮還秋風秋雨
無情甚吹暗千山與萬山

蕭齋閒與白鷗群剪燭論詩到夜分紙帳寒生
眠不得簾秋雨半床雲

西風瑟瑟動菰蒲荷葉霜殘綠半無傳是閩王

觀獵地至今草血鑽鈎

寒灘曲曲急湍流丹嶂蒼藤古洞秋一自詞人題赤壁却疑風物似黃州

千尺龍湫瀉瀑泉萬竿寒玉鎖溪煙鐫題浦月人何在花落山空三百年

題枯木竹石

一枝枯木傍苔苔叢竹蕭蕭石畔栽莫向東風羨桃李春風能得幾時來

題米襄陽研山圖

山骨何年鑿五丁
峰頭猶帶墨池銘
人間天上俱零落
爭似喻糜一片青

仙圖

朝發圓丘暮北溟
霓裳不染海雲腥
臨流一曲遊仙引
驚起魚龍月下行

壽圖

蟠桃五色大如瓜
日尺珊瑚挂海霞
注罷玉經騎鹿去
天風吹落紫松花

東郊過鄧汝高故園

半畝寒流帶淺沙板橋欲斷竹亭斜柴門不閉

春無生雨打西樓棠棣花

將至芙蓉峰汝翔先歸嘲之二首

芙蓉只隔數峰西何意臨岐忽解携自是山靈
嫌俗客鷓鴣杜宇一時啼

名山洞壑何時遇浮世風光幾日間今夜芙蓉
峰頂望紅塵墜裏一人還

北山雜詩六首

桃枝嶺上雨霏霏一線羊腸夾翠微十里灘聲

聽不盡峰頭千尺玉龍飛

壽山老僧七十強不看經典不拈香頭顱半剪
鬚如雪白種躰鴟割密房

舍人百口負山居苦竹編籬草結廬客到科頭
相問訊呼兒剪蕨婦烹離

路出洋坑古石臺大觀題墨半蒼苔土人愛客
烹新茗咲指龍潭萬壑雷

細雨寒煙鎖不開深林豹虎嘯蒿萊荒山日落
行人愁瑟瑟松風天際來

先朝名刹總荒涼處處屯田是佛堂惟有青山
長自在看他滄海幾成桑

寄長安友

荔子蠟山石鼓茶歸來無夢到京華小池橋畔
東風裏開遍辛夷兩度花

送別

桃花叱撥曉嘶風芳草連天鴈影空莫向陽關
雙下淚浮生多在別離中

代作

銀掛流黃結綵霞芙蓉袴緩寶釵斜輕綃透得
南樓月照見珊瑚枕上花

壽意

飛瀑聲中雪萬重露華寒濕翠芙蓉丹成駕鶴
無它事咲止懸崖百尺松

發函溪山行二首

百折羊腸出翠微林煙嵐氣濕人衣中流却羨
風帆穩萬道寒灘一瞬飛

短舗長亭路渺茫寒蟬千樹咽斜陽霜前柏葉

紅如火不與離人照斷腸

宿裴村公館望武夷作

新開驛路出裴村雲鎖寒溪竹映門卧數芙蓉
三十六亂猿啼樹月黃昏

重過分水關

水中分兩不回關頭原是望鄉臺不知客泪
能多少二十年中五度來

望玉女峰

相伴仙壇約未成十年一度夢雲英空中鸞鶴

應相咲辛苦南行又北行

憶小桃源

洞裏花源夢裏春
十年雙鬢尚風塵
白雲深鎖寒溪水
流出桃花不見人

望夫石

灘聲嗚咽送青春
寶馬香車萬里塵
莫向望夫山上望
天涯多少未歸人

車盤驛懷許啓衷先輩

有引

先輩許黃門天錫過車盤驛題詩有青山對

商疑無路黃犧出林知有村之句爲時膾炙
鄭吏部善夫有詩云風流不見許黃門遺字
丹青閣上存却留詩句車盤驛黃犧青山何
處村余屢過其地尋覓遺墨了不可得感而
作此

古驛堂開鳥道邊題名久已餳蒼煙孤村黃犧
知何處惟有青山似往年

入鉛山界二首

蒼厓百疊東清溪柏葉藤花夾稻畦滿地西風

詩集卷之三十八
宿弋陽

啼鶲鶗不知身在楚江西

溪北溪南幾百家家家造紙當桑麻燒松蒸竹
秋煙裏落盡一籬紅槿花

宿弋陽

群峰迴合俯清溪寂寞荒城古渡西惟有女墻
秋月在只今猶照夜烏啼

小草齋集卷之三十八終